



## БУЛГАН АЙМГИЙН ЗАСАГ ДАРГЫН ЗАХИРАМЖ

2025 оны 06 сарын 13 өдөр

Дугаар А/420

Булган сум

Нэгдсэн арга хэмжээг зохион байгуулах  
ажлын хэсэг байгуулж, хөрөнгө гаргах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.21, 66 дугаар зүйлийн 66.1 дэх хэсэг, Нийгмийн эрүүл мэндийн тусламж үйлчилгээний тухай хуулийн 10 дугаар зүйлийн 10.1.4, Засгийн газрын 2024-2028 оны үйл ажиллагааны хөтөлбөрийн 2.2.1.14 дэх заалт, Аймгийн иргэдийн Төлөөлөгчдийн Хурлын 2024 оны Аймгийн Засаг даргын 2024-2028 оны үйл ажиллагааны “Булганы сэргэлт хөтөлбөрийг батлах тухай” IV/25 дугаар тогтоол, 2024 оны IV хуралдааны “Булган аймгийн 2025 оны төсөв батлах тухай” IV/26 дугаар тогтоол, 2025 оны VI дугаар хуралдааны “Эрүүл Булган хөтөлбөр батлах тухай” VI/32 дугаар тогтоол, аймгийн Засаг даргын 2025 оны “Хөтөлбөр, төсөл, арга хэмжээний зардал батлах тухай” А/360 дугаар захирамжийг тус тус үндэслэн ЗАХИРАМЖЛАХ нь:

1. Хөдөөгийн хүн амд чиглэсэн төрийн үйлчилгээний хүртээмжийг нэмэгдүүлэх, нийгмийн суурь үйлчилгээг нэг дороос, хурдан шуурхай, чанартай хүргэх зорилгоор нэгдсэн арга хэмжээг зохион байгуулсугай.

2. Дээрх нэгдсэн арга хэмжээг зохион байгуулах аймгийн ажлын хэсгийг дараах бүрэлдэхүүнтэйгээр байгуулсугай. Үүнд:

Ажлын хэсгийн дарга: М.Батчимэг (Аймгийн Засаг даргын Тамгын газрын  
Нийгмийн бодлогын хэлтсийн дарга)

Гишүүд: Н.Батжаргал (Хөдөлмөр, халамжийн үйлчилгээний  
газрын дарга)

С.Оюунзаяа (Хүүхэд, гэр бүлийн хөгжил, хамгааллын  
газрын даргын албан үүргийг түр орлон гүйцэтгэгч)

Б.Шижирбаатар (Аймгийн Нэгдсэн эмнэлгийн даргын  
албан үүргийг түр орлон гүйцэтгэгч)

Д.Нарантуяа (Эрүүл мэндийн газрын Нийгмийн эрүүл  
мэндийн хэлтсийн дарга)

А.Наранхүү (Нэгдсэн эмнэлгийн Дотрын эмч)

Ө.Энхмаа (Нэгдсэн эмнэлгийн Мэдрэлийн эмч)

М.Наранхишиг (Нэгдсэн эмнэлгийн Эх барих,  
эмэгтэйчүүдийн эмч)

Б.Бат-Ундраа (Нэгдсэн эмнэлгийн Шүдний эмч)

Г.Цэрэнлхам (Нэгдсэн эмнэлгийн Сүрьеэгийн эмч)

Sugar Ажил 2025 өдөр бүр Doc/2025/Захирамж

6325010562

Х.Нарангэрэл (Нэгдсэн эмнэлгийн Шүдний сувилагч)  
Б.Пүрэв-Очир (Нэгдсэн эмнэлгийн Рентген техникч)  
Д.Ганхуяг (Нэгдсэн эмнэлгийн Жолооч)

Нарийн бичгийн дарга: М.Солонго (Аймгийн Засаг даргын Тамгын газрын  
Нийгмийн бодлогын хэлтсийн Эрүүл мэндийн бодлого  
хариуцсан ахлах мэргэжилтэн)

3.Нэгдсэн арга хэмжээний удирдамжийг 1 дүгээр, төсвийг 2 дугаар хавсралтаар тус тус баталсугай.

4.Арга хэмжээг чанартай, үр дүнтэй зохион байгуулж, мэргэжил арга зүй, удирдлагаар ханган, хэрэгжилтэд хяналт тавьж ажиллахыг ажлын хэсгийн дарга, Нийгмийн бодлогын хэлтэс (М.Батчимэг)-т даалгасугай.

5.Дээрх үйл ажиллагаанд зарцуулагдах 2,677,242 (хоёр сая зургаан зуун далан долоон мянга хоёр зуун дөчин хоёр) төгрөгийг “Эрүүл Булган хөтөлбөр”-ийн зардлаас гаргахыг Аймгийн Засаг даргын Тамгын газрын даргын албан үүргийг түр орлон гүйцэтгэгч (Д.Наранбаяр)-д зөвшөөрсүгэй.

ЗАСАГ ДАРГА



Д.ПҮРЭВ-ОЧИР



**АЙМГИЙН ЗАСАГ ДАРГЫН НЭРЭМЖИТ НИЙГМИЙН ҮЙЛЧИЛГЭЭГ ЦОГЦООР  
ХҮРГЭХ НЭГДСЭН АРГА ХЭМЖЭЭНИЙ УДИРДАМЖ**

**ҮНДЭСЛЭЛ:** 2024 оны жилийн эцсийн байдлаар 15157 өрхийн 60130 иргэд бүртгэгдсэн бөгөөд 74.5 хувь хөдөө орон нутагт ажиллаж, амьдарч байна. Хүн амын дийлэнх нь хөдөө тархан суурьшиж байгаа нь нийгмийн суурь үйлчилгээг түргэн шуурхай авах, аймгийн төв рүү явах шаардлагатай болох, мэдээлэл авахад хүндрэлтэй байх бэрхшээл байсаар байна.

Цаашид иргэд нарийн мэргэжлийн эмчийн үзлэг, эрүүл мэндийн даатгалд хамрагдах, нийгмийн халамж, соёл, урлагийн үйлчилгээг сумандаа авах хэрэгцээ, шаардлага байна. Иймд нийгмийн салбарын байгууллагуудын уялдааг сайжруулан, хамтран иргэдэд чанартай үйлчилгээг үзүүлэх юм.

**ЗОРИЛГО:** Хөдөөгийн хүн амд нийгмийн суурь үйлчилгээ (эрүүл мэнд, эрүүл мэндийн даатгал, халамж, хөдөлмөр эрхлэлт...гм)-г нэг дороос хурдан, шуурхай хүргэх замаар нийгмийн салбарын байгууллагуудын үйл ажиллагааны уялдаа холбоог сайжруулж, хамтын ажиллагааг дэмжих зорилготой.

**УДИРДЛАГА, ЗОХИОН БАЙГУУЛАЛТ:** Аймгийн Засаг даргын захирамжаар батлагдсан ажлын хэсэг тус арга хэмжээг удирдан чиглүүлж, нийгмийн салбарын байгууллагуудын хамтын ажиллагааны хүрээнд Сумын Засаг даргын Тамгын газартай хамтран зохион байгуулна.

**ХАМРАХ ХҮРЭЭ, ХЭРЭГЖҮҮЛЭХ ХУГАЦАА:** Нийгмийн үйлчилгээг 0-17 насны хүүхэд, 18-34 насны залуучууд, төрийн албан хаагчид, зорилтот өрхийн гишүүд, малчин, хувиараа хөдөлмөр эрхлэгчид, ажилгүй иргэд, зорилтот өрхийн гишүүд

**Рашаант суманд-2025 оны 06 дугаар сарын 10-11 өдөр**

**Гурванбулаг суманд-2025 оны 06 дугаар сарын 12-13 өдөр**

**ХЭРЭГЖҮҮЛЭХ ҮЙЛ АЖИЛЛАГААНЫ ЧИГЛЭЛ:**

1. Эрүүл мэндийн тусламж үйлчилгээ:

- ✓ Шүд, амны хөндийн эрүүл мэндийн үзлэг болон шүд цоорох өвчний эмчилгээнд 2-17 насны хүүхдүүдийг хамруулна.
- ✓ 18-34 насны залуучуудыг шүд, элэг, бөөр, дотоод шүүрлийн эрхтний үзлэг, оношилгоонд хамруулах
- ✓ Нөхөн үржихүйн насны эмэгтэйчүүдийг бөөр, хөх, умайн хүзүүний өмөн, БЗДХ/ХДХВ, элэгний В, С вирус, хеликобактери зэрэг өвчин, эмгэгийг илрүүлэх үзлэг, оношилгоонд хамруулах
- ✓ Ахмад настан болон эрэгтэйчүүдийг элэг, бөөр, дотоод шүүрлийн эрхтний үзлэг, оношилгоонд хамруулах
- ✓ 2-17 насны хүүхдүүдэд шүд цоорох өвчнөөс сэргийлэх, шүдээ зөв угаах 24/3 сургалтыг зохион байгуулах

- ✓ Өсвөр насны сурагчдад нөхөн үржихүйн эрүүл мэндийн сургалтыг зохион байгуулах
  - ✓ Насанд хүрэгчдэд халдварт бус өвчнөөс урьдчилан сэргийлэх, сүрьеэ өвчний талаар сургалт, сурталчилгааг зохион байгуулах
2. Эрүүл мэндийн даатгалын үйлчилгээ:
- ✓ Залуучууд, хувиараа хөдөлмөр эрхлэгч, малчин, ажилгүй иргэдэд эрүүл мэндийн даатгалын ач холбогдлыг сурталчлах
  - ✓ Эрүүл мэндийн даатгалд хамрагдаагүй иргэдийг сайн дурын даатгалд хамруулах
3. Халамж, хөдөлмөр эрхлэлтийн үйлчилгээ:
- ✓ Амьжиргааг дэмжих зорилтот 20 өрхөөр ажиллаж, сумандаа хөдөлмөр эрхлэх, өрхийн орлогоо нэмэгдүүлэх боломж нөхцөлийг судалж, сумын удирдлагатай хамтран сум орон нутгаас хамааралтай шийдэж болох асуудлыг шийдвэрлэх
  - ✓ Хөгжлийн бэрхшээлтэй хүүхдүүдийн тоон мэдээлэл, судалгаатай танилцах
  - ✓ Хөгжлийн бэрхшээлтэй хүүхдүүд болон асран хамгаалагчид, хэвтрийн болон байнгын асаргаатай хүүхдүүдэд гэрийн эргэлт хийж, тулгамдаж буй асуудлыг нэгтгэх
4. Хүүхэд хамгаалал, хөгжил, оролцооны чиглэлээр хийгдэх ажил:
- ✓ Дотуур байрны хүүхдүүдийн судалгаа, хүүхэд хөгжлийн өрөөг тохижуулах ажилд санал авах
  - ✓ Эрсдэлт нөхцөлд байгаа хүүхдүүдэд үзүүлсэн нийгмийн үйлчилгээний хүртээмжтэй танилцах
  - ✓ Сумдын удирдлага, сумын нийгмийн ажилтан, сургуулийн нийгмийн ажилтнуудтай уулзалт, ярилцлага хийх.
  - ✓ Хүүхдийн өөрийн удирдлагын байгууллага, хүүхдийн зөвлөлийн 2024-2025 оны хичээлийн жилийн үйл ажиллагааны тайлантай танилцах, арга зүйн дэмжлэг үзүүлэх

#### **ХҮЛЭЭГДЭЖ БҮЙ ҮР ДҮН:**

1. Шүд, амны хөндий, элэг, бөөр, дотор, эмэгтэйчүүдийн болон халдварт бус өвчний илрүүлэг үзлэг, оношилгоонд нас насны бүлгийн 700-аас доошгүй иргэдийг хамруулсан байна.

2. Хүн амын эрүүл мэндийн эрсдэл, насны онцлогт тохирсон сургалт, сурталчилгаанд 500-аас доошгүй иргэдийн хамруулсан байна.

3. Эрүүл мэндийн даатгалгүй иргэдийг сайн дурын даатгалд хамруулсан байна.

4. Сумандаа хөдөлмөр эрхлэх, өрхийн орлогоо нэмэгдүүлэх боломж нөхцөлийг судалж, сумын удирдлагатай хамтран сум орон нутгаас хамааралтай шийдэж болох асуудлыг шийдвэрлэсэн байна.

5. Хөгжлийн бэрхшээлтэй хүүхдүүд болон асран хамгаалагчид, хэвтрийн болон байнгын асаргаатай хүүхдүүдэд гэрийн эргэлт хийж, тулгамдаж буй асуудлыг нэгтгэн бодлого төлөвлөлттэй уялдуулан шийдвэрлэсэн байна.

6. Хүүхэд хамгааллын үйлчилгээнд мэргэжил арга зүйн дэмжлэг үзүүлсэн байна

Аймгийн Засаг даргын 20.25 оны  
06 дугаар сарын 13-ны ний өдрийн  
А/420 дугаар захирамжийн 2 дугаар хавсралт

**АЙМГИЙН ЗАСАГ ДАРГЫН НЭРЭМЖИТ НИЙГМИЙН ҮЙЛЧИЛГЭЭГ ЦОГЦООР  
ХҮРГЭХ НЭГДСЭН АРГА ХЭМЖЭЭНИЙ ТӨСӨВ**

д/д	Шаардлагатай зардал	Хэмжих нэгж	Тоо	Үнэ (төгрөг)	
				Нэг бүр	Нийт
1	2	3	4	5	6
1	Шатахуун АИ-92 (4 машин тус бүр 590 км)	Литр	424,8	2720	1,155,456
2	Шатахуун дизель түлш (1 машин тус бүр 590 км)	Литр	106,2	3030	321,786
4	Эмч, эмнэлгийн мэргэжилтний томилолт	Хүн. Өдөр 9 хүн*4 өдөр	40	30000	1,200,000
	<b>Нийт</b>				<b>2,677,242</b>